

06. – 08. Meerze 2006

Zoggelischletzer 2006



Drei Daag offe und drei Daag Fasnacht
An nyt dängge alles vergässe
Fraid verbraite, farbefroh sich zaige
Oder isch äch doch alles schwarz??????
d'Wält in Untergansstimmig.....
Drumm hän mir dänggt....

Hejo, genau !

Unser Goschdym isch wie hyte d'Wält.....

Hinde schwarz und vorne froh

Und mir lääbe au eso

Kasch nyt luege an dr Färnsehkische
Au in dr Zytig muesch go mischte
Rundume zaigt sich numme Druur
Das stostt uns uf und zwar ganz suur
Drumm hän mir dänggt.....

Hejo, genau !

Unser Goschdym isch wie hyte d'Wält.....

Hinde schwarz und vorne froh

Und mir lääbe au eso

Kai froh Gsicht im Bus am Morge
Alles Kummerfalte vor luter Sorge
Im Zwaier am Morge yber d' Wettstaibrugg...
Nai los ich glaub ich fahr wieder zrug
Drumm hän mir dänggt...

Hejo, genau !

Unser Goschdym isch wie hyte d'Wält.....

Hinde schwarz und vorne froh

Und mir lääbe au eso

Au im Büro, es isch kai Fraid
Jede drummlet dir e Bschaid
Ob per Mail, SMS oder au per FAX
Vom Chef, vom Fritz und au vom Max
Drumm hän mir dänggt..

Hejo, genau !

Unser Goschdym isch wie hyte d'Wält.....

Hinde schwarz und vorne froh

Und mir lääbe au eso

Wo d aaneluegsch nur schlächti Zaiche
S isch wiirgglig bald zem Hooreel s.....yyrpfle
Fluugiabstürz, Entfierige e Wirbelsturm.....
An deere Wält gnaggt glaub dr Wuurm
Drumm hän mir dänggt...

Hejo, genau !

Unser Goschdym isch wie hyte d'Wält.....

Hinde schwarz und vorne froh

Und mir lääbe au eso

Drei Dääg leen mir d'Wält hinter uns..

Drei Dääg Fasnacht drei Dääg gniesse
Und nid ganz „Schwarz“ dängge miesse
Lueget uns au vo hinde a
Und ihr gsehnd dä druurig Maa

MIR leen uns vo Farbe inspiriere
Und dien au e weeneli Intrigiere
Z Basel isch Fasnacht dert am Rhy
Wämer aifach farbig sii

Schnäll isch d' Fasnacht wieder verbii
Und denn heisst's a passigsfähig si
Druurigi Gsichter in Bus und Dramm
Kai „Glopf gaischt“ me vom Gliggestamm

Unser Goschdym ggesch nur no vo hinde.....

Bevor's im Käller an d' Stange duesch binde

An dr Fasnacht muesch uns gseh ha

Sunscht lueg doch aifach unter:www.zoggelischletzer.ch/